


Starfsáætlun Zelsíuz

2023-2024



Sveitarfélagið
ÁRBORG



Inngangur	3
Leiðarljós í félagsmiðstöðinni	3
Virk þátttaka.....	3
Lýðræði	3
Reynslunám.....	3
Forvarnarstarf	4
Öruggt umhverfi.....	4
Hlutverk Zelsíuz.....	4
Gildi	4
Fjölbreytileiki.....	4
Samvinna.....	4
Gleði	5
Traust	5
Zelsíuz.....	5
Miðstig (5.- 7.bekkur).....	5
Unglingastig (8.- 10.bekkur).....	5
Zelsíuz dagatal 2023-2024	6
Miðstigsstarf 5.-7. bekkur	7
Unglingastarf 8.-10. bekkur.....	7
Hinsegin starf	7
Sértækt hópastarf	7
Unglingaráð.....	8
Viðburðir	8
Sérstuðningur í Zelsíuz	8
Reglur í Zelsíuz	8
Mannauður	9
Innra mat.....	9
Samstarf á fjölskyldusviði.....	9
Foreldrasamstarf.....	10

Inngangur

Sveitarfélagið Árborg starfrækir félagsmiðstöðina Zelsíuz sem hefur verið starfrækt síðan árið 1980. Í Zelsíuz er boðið upp á uppbyggilegt frístundastarf fyrir 10 - 16 ára börn og unglinga í frítíma þeirra. Áhersla er lögð á að ná til þeirra barna og unglinga sem þarfnast félagslegs stuðnings og að bjóða upp á fjölbreytileg viðfangsefni. Unnið er í klúbbum, sértæku hópastarfi, einstaklingshittingum, opnu starfi og loks stendur félagsmiðstöðin fyrir stórum sem smáum viðburðum.

Starfsáætlun þessi er unnin af verkefnastjóra félagsmiðstöðvarinnar. Áætlunin gildir fyrir skólaárið 2023-2024. Zelsíuz heyrir undir Frístundaþjónustuna á Fjölskyldusviði og þjónustar öll börn og unglinga í Sveitarfélaginu Árborg, 494 börn á miðstigi og 499 á unglingsstigi.

Félagsmiðstöðin Zelsíuz heldur úti fjölbreyttri dagskrá í samstarfi við Z-ráðið sem tekur mið af áhugamálum unglingsanna hverju sinni. Félagsmiðstöðin kappkostar að stuðla að jákvæðum og þroskandi samskiptum meðal barna og unglinga og örva félagsþroska þeirra og lýðræðisvitund. Félagsmiðstöðin Zelsíuz vinnur einnig markvisst að forvarnarmálum og valdeflingu en starfsmenn hennar notast við aðferðafræði reynslunáms.

Leiðarljós í félagsmiðstöðinni

Félagsmiðstöðin Zelsíuz býður upp á frístundastarf sem hefur uppeldis- og menntunargildi og tekur mið af aldri þeirra og þroska. Virk þátttaka, reynslunám, forvarnir og lýðræði er leiðarljós í starfi Zelsíuz. Leiðarljósið byggist á sáttmála Sameinuðu þjóðanna um réttindi barnsins.

Virk þátttaka

Með virkri þátttöku er leitast til þess að börn og unglingar taki virkan þátt í starfi Zelsíuz. Markmið þess er að þau læri að eiga uppbyggilegan frítíma ásamt því að vera hluti af samfélagi.

Lýðræði

Lýðræði er grunnþáttur starfsins, hugmyndafræði barna- og unglingslýðræðis þjálfar börn og unglinga í að virða skoðanir sínar, hlusta á aðra og setja sig í spor annarra. Þetta styrkir sjálfsmynd þeirra, eflir gagnrýna hugsun og eykur víðsýn. Ætlast er til að börn og unglingar læri að hafa áhrif á líf sitt og starf. Börn og unglingar fá þjálfun í að virða skoðanir sínar, hlusta á aðra og setja sig í spor annarra. Leitast er við að efla virkni, sjálfstæði og ábyrgð þeirra sem einstaklinga og hvetja þau til að hafa mótandi áhrif á nærumhverfi sitt og samfélag.

Reynslunám

Reynslunám er ferli þar sem einstaklingurinn byggir upp þekkingu, öðlast færni og breytir gildismati sínu vegna beinnar reynslu af þátttöku í verkefnum. Leitast er við að nýta aðferðafræði reynslunáms á sem fjölbreyttastan hátt í starfi Zelsíuz.

Forvarnarstarf

Í frístundastarfi er mikilvægt að efla og styrkja heilsu og velferð, hlúa að verndandi þáttum og lágmarka áhrif áhættuþátta í umhverfi barna og unglunga. Einn þáttur í virku forvarnarstarfi er að fjölga jákvæðum fullorðnum fyrirmyndum í nærumhverfi barna og unglunga. Því er leitast eftir að ráða til starfa faglegt, öflugt og áhugasamt starfsfólk í félagsmiðstöðina sem uppfyllir hlutverkið jákvæð fullorðin fyrirmynd með sóma.

Öruggt umhverfi

Í félagsmiðstöðinni er mikilvægt að börn og ungmenni upplifi sig örugg. Öruggt til þess að vera þau sjálf og tjá sig á þann hátt sem þau kjósa.

Hlutverk Zelsíuz

Hlutverk félagsmiðstöðvarinnar er tvíþætt. Annars vegar að bjóða börnum og unglungum á aldrinum 10 -16 ára upp á frístundastarf sem hefur forvarnar-, uppeldis og menntunargildi og tekur mið af aldri þeirra og þroska. Hins vegar að bjóða upp á aðstöðu til afþreyingar og samveru með jafnöldrum í öruggu umhverfi undir handleiðslu starfsmanna. Áhersla er lögð á að virkja börn og unglunga til virkrar þátttöku og framkvæmda í starfinu, einkum þau sem þurfa sérstaka hvatningu og stuðning vegna félagslegra aðstæðna. Starf á vegum félagsmiðstöðva er í eðli sínu forvarnarstarf þar sem unnið er með viðhorf og atferli barna og unglunga í átt til heilbrigðs lífsstíls og virkni í samfélaginu. Lýðræði er grunnþáttur í starfi Zelsíuz, börn og unglingar fá þjálfun í að tjá skoðanir sínar.

Gildi

22.febrúar 2022, á sameiginlegum starfsdegi frístundastofnana í Árborg, voru sett sameiginleg gildi fyrir frístundastarf í sveitarfélaginu. Gildin sem voru ákveðin voru *Fjölbreytileiki - Samvinna - Gleði - Traust*

Fjölbreytileiki

- Öll börn og ungmenni eru velkomin
- Mætum þörfum hvers og eins með styrkleika þeirra að leiðarljósi
- Fjölbreyttur hópur starfsfólks með mismunandi styrkleika og færni
- Stuðlað er að virku barna- og ungmennalýðræði
- Sveigjanleg og fjölbreytt starfsemi

Samvinna

- Stuðlum að góðum starfsanda
- Öflugt þverfaglegt samstarf
- Leggjum áherslu á gott samstarf við samfélagið
- Vinnum markvisst með fjölbreytt hópastarf

Gleði

- Opin jákvæð og uppbyggileg samskipti
- Lögð er áhersla á að efla félagsfærni
- Ýtum undir sköpunargleði og frelsi
- Höfum gaman og leikum okkur
- Stuðlum að geðheilbrigði

Traust

- Lögð er áhersla á virkt upplýsingaflæði
- Þekkir starfsfólk rétt sinn og ábyrgð í leik og starfi
- Virðum trúnað og tilkynningarskyldu
- Fagleg og vönduð vinnubrögð
- Erum til staðar fyrir hvert annað

Zelsíuz

Zelsíuz er félagsmiðstöð fyrir börn og unglinga í 5.-10. bekk og er staðsett í frístundahúsi Árborgar að Austurvegi 2a. Starfið í félagsmiðstöðinni er tvíþætt annars vegar fyrir 5.-7. bekk hér eftir talað um sem miðstigsstarf og fyrir 8.-10. bekk hér eftir talað um sem unglingastarf.



Opnunartímar Zelsíuz eru eftirfarandi:

Miðstig (5.- 7. bekkur)

Mánudagur kl. 17:00 - 18:30 í Sunnulækjarskóla

Þriðjudagur kl. 17:00 - 18:30 á Stokkseyri

Miðvikudagur kl. 17:00 - 18:30 í Vallaskóla

Fimmtudagur kl. 17:00 – 18:30 í Stekkjaskóla

Einn fimmtudag í mánuði er 7. bekkjarkvöld kl. 19:00-21:00 í Zelsíuz

Unglingastig (8.- 10. bekkur)

Mánudagur kl. 19:30 - 22:00

Þriðjudagur kl. 19:30 - 22:00 (Starfið fer fram á Stokkseyri)

Miðvikudagur kl. 19:30 - 22:00

Fimmtudagur kl. 19:30-21:30 Hinsegin opnun í Pakkhúsinu

Annan hvern föstudag kl. 19:30 - 22:00

Zelsíuz dagatal 2023-2024

SEPTEMBER		OKTÓBER		NÓVEMBER		DESEMBER		JANÚAR		FEBRÚAR		MARS		APRÍL		MAÍ										
1	F	Starfsdagur	1	S		1	M	Fréttabréf	1	F	Fullveldisdagurinn	1	M	Nvársdagur	1	F	HINSEGIN VÍKA	1	M	Annar í páskum	1	M	Verkalýðsdagurinn			
2	L		2	M		2	F		2	L		2	P	Starfsdagur	2	F		2	P		2	F				
3	S		3	P		3	F		3	M	Fréttabréf	3	L		3	S		3	M		3	F	Samfestingurinn			
4	M	Fyrsta opnun Zelsíuz	4	M		4	L		4	M		4	S		4	M	Fréttabréf	4	F		4	L	Söngkeppni Samfés			
5	P	Fréttabréf	5	F		5	S		5	P		5	F	Smfés Con	5	M	Vika sex	5	P		5	F	Föstudagsopnun	5	S	
6	M		6	F	Landsmót Samfés	6	M		6	L	Þrettándinn	6	P	Vika sex	6	M		6	L		6	M	Fréttabréf	6	M	
7	F		7	L	Landsmót Samfés	7	P		7	S		7	M	Vika sex	7	F		7	S		7	P		7	P	
8	F		8	S	Landsmót Samfés	8	M	Baráttudagur gegn einelli	8	F		8	M		8	F	Vika sex	8	F	Föstudagsopnun	8	M		8	M	miðstigstarf lýkur
9	L		9	M		9	F		9	L		9	P		9	F	Föstudagsopnun	9	L		9	P		9	F	Úppstigningadagur
10	S		10	P		10	F	Föstudagsopnun	10	S		10	M		10	L		10	S		10	M		10	F	
11	M	Miðstigstarf hefst	11	M	Forvaramardagurinn	11	L		11	M		11	F		11	S		11	M		11	F		11	L	
12	P		12	F		12	S		12	P		12	F	Föstudagsopnun	12	M	Bolludagur	12	P		12	F		12	S	
13	M		13	F	Föstudagsopnun	13	M		13	M		13	L	Sprengidagur	13	M		13	L		13	L		13	M	grunnskólaleikamir
14	F	Starfsdagur Samfés	14	L		14	P		14	F	7.bekkjarkvöld	14	S		14	M	Óskudagur	14	F		14	S		14	P	grunnskólaleikamir
15	F	Föstudagsopnun	15	S		15	M		15	F	Föstudagsopnun	15	M		15	F		15	F		15	M		15	M	grunnskólaleikamir
16	L		16	M	félagsmiðstöðva og ungmennahúsa vikan	16	F	Dagur íslenskrar tungu	16	L		16	P		16	F		16	L		16	P		16	F	grunnskólaleikamir
17	S		17	P	félagsmiðstöðva og ungmennahúsa vikan	17	F	Rímnaflæði	17	S		17	M		17	L		17	S		17	M	Aðalfundur Samfés	17	F	Síðasta opnun Zelsíuz
18	M		18	M	félagsmiðstöðva og ungmennahúsa vikan	18	L		18	M		18	F		18	S		18	M		18	F	7.bekkjarkvöld	18	L	
19	P		19	F	félagsmiðstöðva og ungmennahúsa vikan	19	S		19	P		19	F	Danskeppni Samfés	19	M		19	P		19	F	Föstudagsopnun	19	S	Hvítasunnudagur
20	M		20	F	félagsmiðstöðva og ungmennahúsa vikan	20	M	Dagur mannréttinda barna	20	M		20	L	Stíll - hönnunarkerppi	20	P		20	M		20	L		20	M	Annar í hvítasunnu
21	F		21	L		21	P		21	F		21	S		21	M		21	F	7.bekkjarkvöld	21	S		21	P	
22	F		22	S		22	M		22	M		22	M		22	F	7.bekkjarkvöld	22	F	Föstudagsopnun	22	M		22	M	
23	L		23	M		23	F	7.bekkjarkvöld	23	L	Þorláksmessa	23	P		23	F	Föstudagsopnun	23	L		23	P		23	F	
24	S		24	P		24	F	Föstudagsopnun	24	S	Aðfangadagur jóla	24	M		24	L		24	S	Þálmásunnudagur	24	M		24	F	
25	M		25	M		25	L		25	M	Jóladagur	25	F	7.bekkjarkvöld	25	S		25	M		25	F	Sumardagurinn fyrsti	25	L	
26	P		26	F	7.bekkjarkvöld	26	S		26	P	Annar í jólum	26	F	Samzel	26	M	HINSEGIN VÍKA	26	P		26	F		26	S	
27	M		27	F	Draugahús	27	M		27	M		27	L		27	P	HINSEGIN VÍKA	27	M		27	L		27	M	
28	F	7.bekkjarkvöld	28	L	Raflíðtáttur Samfés og Elkó	28	P		28	F	Gistinótt	28	S		28	M	HINSEGIN VÍKA	28	F	Skírdagur	28	S		28	P	
29	F	Föstudagsopnun	29	S	Raflíðtáttur Samfés og Elkó	29	M		29	F		29	M		29	F	HINSEGIN VÍKA	29	F	Föstudagurinn langi	29	M		29	M	
30	L		30	M		30	F		30	L		30	P		30	L		30	L		30	P		30	F	
			31	P					31	S	Gamlársdagur	31	M					31	S	Páskadagur				31	F	

Miðstigsstarf 5.-7. bekkur

Miðstigsstarf Zelsíuz fer fram í hverjum skóla fyrir sig einu sinni í viku. Í Sunnulækjarskóla á mánudögum, á Stokkseyri á þriðjudögum, í Vallaskóla á miðvikudögum og í Stekkjaskóla á fimmtudögum. Markmið með miðstigsstarfinu er að kenna krökkunum að vera í félagsmiðstöð og kynna starfshætti hennar fyrir krökkunum. Áhersla er lögð á virka þátttöku og lýðræði. Krakkarnir hafa áhrif á dagskrána í hverjum mánuði með dagskrágerðarfundum í lok mánaðar. Einnig reynum við að virkja 7. bekk með því að vera með 7. bekkjarkvöld einu sinni í mánuði í Zelsíuz. 7. bekkjarkvöldin eru í anda unglingastarfsins, opnanirnar eru á kvöldin og eru sameiginleg fyrir nemendur í Vallaskóla, Sunnulækjarskóla og BES.

Unglingastarf 8.-10. bekkur

Unglingastarfið í Zelsíuz er sameiginlegt fyrir alla grunnskóla sveitarfélagsins. Það fer fram í húsnæði félagsmiðstöðvarinnar og eru alltaf á kvöldin, 4-5 sinnum í viku. Á þriðjudögum fer starfið fram á Stokkseyri. Markmið er að hafa fjölbreytni í dagskrá Zelsíuz til þess að ná til sem flest. Fyrir 8. -10. bekk standa til boða hinir ýmsu klúbbar sem vinna eftir hugmyndafræði sértæks hópastarfs ásamt hinsegin opnunum fyrir unglunga sem að tilheyra hinsegin samfélaginu. Unglingaráðið skipuleggur dagskrána og hjálpar til við undirbúning á hinum ýmsu viðburðum.

Hinsegin starf

Í samstarfi við ungmennahúsið Pakkhúsið heldur Zelsíuz úti hinsegin opnunum á fimmtudögum. Hinsegin opnanir eru fyrir ungmenni í 8. bekk og eldri. Þær eru ætlaðar fyrir ungmenni sem tilheyra hinsegin samfélaginu, eru í hinsegin þælingum eða vini sem að vilja styðja við málefnið og fræðast um hinsegin málefni. Hinsegin opnanir eru öruggur staður fyrir ungmenni til þess að vera þau sjálf. Hinsegin vika Árborgar er haldin árlega í félagsmiðstöðinni ásamt hinsegin viku Samfés á landsvísu.

Sértækt hópastarf

Félagsmiðstöðin heldur úti fjölbreyttu hópastarfi. Stærsta hópastarfið í félagsmiðstöðinni er D&D hópastarf þar sem spilað er hlutverkaspilið Dungeons and Dragons auk annarra hlutverkaspila. Síðasta árið hafa 6 hópar verið að spila D&D einu sinni í viku í félagsmiðstöðinni. D&D hóparnir eru fyrir 7.-10. bekk. Hópur fyrir 5.-6. bekk hafa verið gerðir eftir áhuga hverju sinni.

Klúbbar fyrir bæði 8. bekk og 9. -10. bekk eru starfrækir yfir veturinn. Aðra hverja viku eru tveir klúbbar fyrir 8. bekk og vikurnar á móti eru tveir klúbbar fyrir 9.-10. bekk. Þeir unglunga sem að skráðir eru í klúbbana útbúa dagskrána í samstarfi við starfsfólk út frá áhugasviði ásamt því að starfsfólk er með fræðslu. Að auki hefur verið starfrækt hópastarf út frá einstaklingsúrræði félagsmiðstöðvarinnar, barnaverndar og velferðarþjónustu, svokölluðum sérstuðningi Zelsíuz.

Allir þessir hópar hafa það markmið að efla samvinnu, samskipti, félagsfærni og hvetja til vináttutengsla.

Unglingaráð

Zelsíuz heldur úti unglingaráði sem kallað er Z-ráðið. Z-ráðið er valáfangi í stundatöflu og er sameiginlegt val í félagsmiðstöðinni með nemendur úr Vallaskóla, Sunnulækjarskóla og Barnaskólanum á Eyrarbakka og Stokkseyri. Hlutverk Z-ráðsins er að útbúa dagskrá unglíngastarfs Zelsíuz fyrir hvern mánuð ásamt því að skipuleggja og halda stærri viðburði og aðstoða og sjá um dagskráliði á opnunum. Unnið er eftir hugmyndafræði unglíngalýðræðis og þátttökulýðræði þar sem að unglíngarnir hafa áhrif á starfið í félagsmiðstöðinni.

Viðburðir

Zelsíuz heldur viðburði og tekur þátt í viðburðum á vegum Samfés, samtök félagsmiðstöðva og ungmennahúsa á Íslandi. Ákveðnir viðburðir hafa skapað sér fastan sess í starfinu í Zelsíuz á borð við Draugahús Z-ráðsins, Gistinótt Zelsíuz og Grunnskólaleikar Árborgar. Í desember-janúar er Samzel, söngkeppni Zelsíuz, þar sem að sigurvegarinn keppir í USSS, undankeppni söngkeppni Samfés á Suðurlandi. Vika 6 er nýtt á dagskrá hjá okkur en það er verkefni frá jafnréttindaskóla Reykjavíkurborg. Vikan er tileinkuð kynfræðslu og er haldin í sjöttu viku ársins. Zelsíuz tekur virkan þátt í mörgum af viðburðum Samfés svo sem rafíþróttamót, landsmót og Samfestingnum í Laugardalshöll sem er stærsta árlega hátíð Samfés þar sem fram fara tónleikar og söngkeppni.

Sérstuðningur í Zelsíuz

Félagsmiðstöðin, barnavernd og velferðarþjónusta Árborgar standa saman að verkefni sem að heitir sérstuðningur í Zelsíuz. Barnavernd og velferðarþjónustan vísa einstaklingum á aldrinum 10-16 ára í sérstuðninginn þar sem að honum er síðan parað saman við starfsmann í félagsmiðstöðinni. Starfsmaðurinn og einstaklingurinn hittast síðan einu sinni í viku í nokkrar vikur. Hittingarnir eru skipulagðir út frá áhugasviði einstaklingsins og er markmiðið að virkja einstaklinginn og efla félagslega ásamt því að koma honum inn í annað hvort hópastarf í félagsmiðstöðinni eða opið starf. Markvist hefur verið unnið að því að mynda hópastarf með einstaklingum sem hafa verið vísað inn í þjónustuna. Verkefnið hefur gengið gríðarlega vel síðustu ár og hlaut hvatningarverðlaun Samfés árið 2021 ásamt því að vera tilnefnt til Íslensku menntaverðlaunanna fyrir framúrskarandi þróunarverkefni árið 2023.

Reglur í Zelsíuz

Orkudrykkir, nikótínþúðar, rafrettur, áfengi, tóbak og önnur fíkniefni eru bönnuð í Zelsíuz ásamt vopnum og eða öðrum hlutum sem geta valdið skaða eða hræðslu. Þetta gildir líka í öllum ferðum á vegum Zelsíuz.

Berum virðingu fyrir eigum félagsmiðstöðvarinnar og hjálpumst að við að hafa snyrtilegt í kringum okkur með því að nota viðeigandi ruslatunnur

Unglingum ber að virða þessar reglur og koma fram við starfsfólk og aðra gesti í félagsmiðstöðinni af virðingu.

Brot á reglum félagsmiðstöðvarinnar getur orsakað brottvísun úr félagsmiðstöðinni og/eða haft er samband við forráðamenn þar sem viðurlög verða rædd.

Mannauður

Í Zelsíuz er starfandi 9 starfsmenn, flestir í hlutastarfi. Forstöðumaður frístundahúsa Árborgar og forvarnarfulltrúi sem ber ábyrgð á rekstri félagsmiðstöðvarinnar Zelsíuz og ungmennahúsins Pakkhúsins. Verkefnastjóri í fullu starfi sem sér um og skipuleggur starf félagsmiðstöðvarinnar. Umsjónarmaður stuðningsúrræða Zelsíuz í hlutastarfi, ásamt 6 frístundaleiðbeinendum í hlutastarfi.

Símenntun starfsfólks fer fram á starfsdögum Samfés, starfsdögum Zelsíuz ásamt miðlægum starfsdögum frístundastofnana í Árborg.

Ágúst	Starfsdagar Zelsíuz	Fræðsla um verkferla ofl. í Zelsíuz
September	Starfsdagar Samfés	
September	Starfsdagur frístundastofnana Árborgar	Skyldihjálparfræðsla
Október	Starfsdagur frístundastofnana Árborgar	Fræðsluerindi um hvernig er hægt að aðlaga frístundastarf að börnum og unglingum með sérþarfir
Október	Bandamenn	Námskeið fyrir karkyns félagsmiðstöðvastarfsmenn frá Stígamótum
Febrúar	Starfsdagar Zelsíuz	
Apríl	Sjúk ást	Fræðsla frá Stígamótum um mörk, samskipti og samþykki

Innra mat

Mótun á innra mati Zelsíuz er á byrjunarstigi. Hingað til hefur einungis verið haldið utan um fjöldatölur frá opnunum félagsmiðstöðvarinnar. Einnig hefur verið stuðst við starfsmannakönnun Maskínu við mat á innra starfi Zelsíuz.

Samstarf á fjölskyldusviði

Félagsmiðstöðin er í miklu samstarfi við barnavernd, velferðarþjónustu, grunnskólana, frístundaklúbba og ungmennahúsið. Félagsmiðstöðin, barnavernd og velferðarþjónusta Árborgar standa saman að verkefni sem að heitir sérstuðningur í Zelsíuz. Barnavernd og

velferðarþjónustan vísa einstaklingum á aldrinum 10-16 ára í sérstuðninginn þar sem að honum er síðan parað saman við starfsmann í félagsmiðstöðinni. Starfsmaðurinn og einstaklingurinn hittast síðan einu sinni í viku í nokkrar vikur. Hittingarnir eru skipulagðir út frá áhugasviði einstaklingsins og er markmiðið að virkja einstaklinginn og efla félagslega ásamt því að koma honum inn í annað hvort hópastarf í félagsmiðstöðinni eða opið starf. Verkefnið hefur gengið gríðarlega vel síðustu ár og hlaut hvatningarverðlaun Samfés árið 2021.

Í vetur óska forstöðumaður og verkefnastjóri eftir því að fá að koma inn á deildarfundi í grunnskólum sveitarfélagsins til þess að kynna starfið fyrir starfsfólki skólanna og þau úrræði sem að félagsmiðstöðin býður uppá fyrir börn og unglinga. Einnig hafa forstöðumaður og verkefnastjóri komið inn á samráðsfundi skólastjórnenda í Árborg.

Forstöðumaður Zelsíuz er einnig forvarnarfulltrúi Árborgar og sér um forvarnarteymi sveitarfélagsins sem er þverfaglegt samstarf milli stofnana í Árborg, lögreglu og heilbrigðisþjónustu. Í teyminu sitja fulltrúar frá fjölskyldusviði, leik- og grunnskólum, heilbrigðisþjónustu, lögreglu og foreldrafélögum grunnskólanna. Forvarnarteymi Árborgar fundar fyrsta þriðjudag hvers mánaðar. Forstöðumaður Zelsíuz situr einnig í fjölmeningarteymi Árborgar sem vinnur að því að efla fjölmenningu í Árborg.

Eins og hefur komið fram hafa hinsegin opnanir félagsmiðstöðvarinnar verið í samstarfi við ungmennahúsið Pakkhúsið. Samstarfið við Pakkhúsið hefur verið mikið. Verandi í sama húsnæði og með sama forstöðumann hafa svæði og starfsmenn verið samnýttir. Zelsíuz, frístundaklúbburinn Kotið og frístundaklúbburinn Kletturinn þjónusta öll sama aldurshóp. Þar sem að börn og unglingar sem eru skráð í frístundaklúbbana sækja oft starfið í Zelsíuz hafa samskipti og samstarf þar á milli verið gott. Þegar að einstaklingar sem þurfa mikinn stuðning sækja stærri viðburði á vegum félagsmiðstöðvarinnar hafa starfsmenn úr frístundaklúbbunum fylgt þeim einstaklingum á viðburðinn og verið þeim til stuðnings.

Foreldrasamstarf

Lögð verður áhersla á frekara foreldrasamstarf í vetur og að koma upplýsingum um félagsmiðstöðina til foreldra. Verkefnastjóri tekur þátt í fræðslu til foreldra í 8.bekk í upphafi skólaárs um félagsleg tengsl unglinga og hvernig unnið er að þeim í Zelsíuz. Forstöðumaður og verkefnastjóri hafa aðgang að Mentor svæði grunnskólanna í Árborg og senda út fréttabréf til foreldra á átta vikna fresti. Auk þess hefur verið komið upp nýrri heimasíðu fyrir starfs félagsmiðstöðvarinnar: <https://fristundamidstod.arborg.is/felagsmidstod>